

天真閣集

天眞閣外集卷一

詩一

昭文 孫原湘 長眞

大家

風格天然是大家不施金翠不鉛華
睂彎只仿三分月心曲常期百合花
早喜嬌兒工蠟鳳每嗤小婢學塗鴉
羅衣怕惹薰籠息自有生香勝辟邪

形影相隨語意關調琴弄瑟兩都嫺
心如江漢交流水寢在羅浮合體山
承露綺蘭雙箭起凌波羅襪一弓彎
春晴不敢樓頭望恐被桃花妬玉顏

七情雕刻玉瓏璫光徹玻瓈一座屏
約伴綵牋書日子試兒錦字認風丁
愁聽謝豹啼殘月苦諷牽牛覓小星
脩得閨房清福勝不教鸚鵡念心經

也願紅顏也白頭一分慧帶一分愁恐妨歸燕常開箔怕見飛
英不下樓綺語尙耽平素癖芳情早謝踏青游簪花寫幅蘭亭
帖便當初三禩事脩

乍嫁

冰肌雪腕藐姑仙乍嫁還如未嫁年通脫轉饒風格峻低徊剛
映日華妍胸前草佩添丁喜髻上花刪過午薦卻笑並船諸女
伴明珠壓得翠鬟偏

畫舫

畫舫相排若比鄰不曾珠箔障香塵一家語笑情初洽半晌沉
吟態更真紉扇偶擎非掩斂羅衣欲換且逡巡憑他萬目青天
看幾見嫦娥要辟人

一分才調一分情全是瓊瓏不是輕傾國偶逢須福分守宮纔

退更鮮明裙邊蜩蛄持定褰上花枝姊睡成仙骨未容人仿
彿自臨春水照盈盈

左倚蘭橈右桂旗驚鴻影落碧玻璃生成細骨輕軀好悉聽橫
看側視宜恕我狂名簾不下厭人諛語榜潛移幽蘭自是深閨
種許蜩蛄聞香禁蜩蛄知簾不下一作船許並

亞字紅橋折向東櫓枝搖曳太匆匆雲多離合晴難定花有陰
陽致不同逼近更聞香盪越薄暝猶勝月朦朧明眸肯輕回
睽自覺微波面面通

層城

望徹層城坐徹宵苦將心眼記丰標生來仙骨非丹換摹擬神
情勝白描牛女若逢應妬巧鶯花相對敢爭嬌丹誠欲寄何由
達吹煞燈前碧玉簫

別來追憶總模糊。祇悔當時領畧粗。妄想自知須懺悔。閒情何礙。屬虛無。欸門甘袖三年刺。展畫拚將百口呼。願化木蘭舟上。相供君穩坐玉纖扶。

仙才

閨房林下譽難偏。一副身心兩副妍。不道聰明尤絕世。卽論光豔合生天。客教佛見拈花笑。詩到神來脫草傳。我欲諷卿鍵繡闌。放他霜月鬪嬋娟。

蘭信

傳來消息是耶非。錯認湘妃作宓妃。標識幸餘青玉佩。隨常處著白綃衣。鴛鴦早誓橫塘偶。蛺蝶遙從外幕飛。怪道碧桃花獨豔。只貪顏色子猶稀。動是飛仙靜是神。不容窺破意才真。深情何但能容妾。絕色無

須更妬人捏土互攪夫婿像隔幃會屈小郎賓尋常喜愠都藏
過還恐全家學笑顰

玉問

誤觸晶屏獺髓敷一絲霞氣透雲烏久知白璧推瑜瑾肯把黃
金屬畫圖妬口悉憑同列謗高情轉避俗人諛山河倒影銀蟾
裏曾累姮娥絕色無
草草梳頭煥玉搔青銅秘鑰手輕操析來文簪湘妃竹製就銀
杯阿母桃風雅最能傾女伴雪花親自釀兒曹烏絲掌籍煩書
寫落筆先題一字糕

阿閣

阿閣三層碧玉支紅闌剛倚綠梧枝偷窺雲母圍屏薄潛伺星
妃步輦遲隔座微聞花氣息繞廊暗想雪丰姿明知璧月朝難

見癡對青天立幾時

明明可見似銀蟾只禁疎狂逼畫檐縱少猜嫌宜引避偶貪遊
戲實矜嚴輕衫着後無心換團扇題成信手拈倘許朝朝窺素
影未妨常隔一重簾

新晴

丰姿瞥見更傾城衆裏纖長最著明翠裊羞攏金釧影畫簾驚
墮玉釵聲貴人原自肌盈實妃子何慙骨細輕一種大家風範
在暫來門巷看新晴

和美人扇頭韻

人似青天近實遙相思早暮兩回潮風偏有力香親染水最多
情影慣描車響乍通雷隱隱簾痕斜劈月條條巫山更在蓬山
頂雲氣纔容到半腰

紀遇

幕地嬌羞不自禁銀鈎卻下繡簾深尋常難得花枝笑咫尺微
聞玉佩音半面向人猶掩斂回身何事獨沉吟眼波便是秦臺
鏡照徹狂生一寸心

桃谿重到月痕移簾眼參差望眼癡鏡影難憑方士覓閨情曾
訪濟尼知蓮須水落纔逢藕柳爲風狂已亂絲此是昨朝相見
地悄無人在立多時

藏卻深情露卻才綠窗疊影太低徊廋詞竟被全猜着眉語偏
乘不備來蠟燭乍燒心已見魚書臨發口難開從今繫開看花
眼每到卿前展一回

意外逢歡倍可歡小屏山角路漫漫月依眉樣初三細春減腰
圍尺六寬背影乍搖珠絡索笑聲徐近畫闌干九天咳吐隨風

落那得傾身化玉盤

一折回闌亞字雕綠荷風引見雲翹半遮蜥蜴金跳脫小立蜻
蜓玉步搖不爲聰明爭解怨絕無羞澁是真嬌持裙尙恐終仙
去更倩紅鸞繫紫綃

一日何妨見百回一回經眼一心開平生已願低頭拜險計猶
拚折齒災敢道看花非好色早知擲果爲憐才遠山眉黛天然
秀那是相如畫得來

病耗

一春吟苦病恹恹步履新聞出畫檐笑賭秘書常潑茗戲拈險
韻反題鹽清歡久謝雪爲癭素豔真疑月滿簾識得檀郎情性
潛畧通私昵便矜嚴

寫真

曉鏡勻黃特地妍風神追寫未笄年
見人偷眼頻低首爲我回身恰比肩
明慧最諳姑性格溫柔曲體壻矜憐
阿侯姿貌渾相似些子爭差笑靨圓

蕩舟小秦淮

幽谿曲折蕩蘭橈夾岸花深路一條
秀麥時光猶擁背及瓜年紀正垂髫
半鬆雲鬢眠初起履受星眸意欲消
忽憶真人天際影此心已恐負丹青

題扇

水晶簾捲鏡臺安曉起簪花露未乾
衣蘊奇香防母覺面留眞色儘人看
輕軀細骨偏持重鰓齒愁眉也帶歡
偶憶卽詩愜儂意泥將小字寫冰紈

蓬山處處月淒迷癡覺流鶯恰恰啼
杜牧看花曾有約冬郎吟

草半無題宿緣最喜蘭爲字歡緒從拚絮作泥換取定情團扇
子春風常似玉纖攜

消夏詞

小謫人間萼綠華墻頭愁見石榴花洞房如雪簾如水爭及瑤
池阿母家

粧臺花露尙沾濡趁箇朝涼雪髻扶生性梳妝非草草不嫌妨
卻睡工夫

隨意疎花插戴成花枝顫顫若風傾玉搔頭上雙蝴蝶翻教人
看作像生

翠紗衫子雪璫瓏坐背風前意態慵猶恐玉肌人看見輕綃一
尺祿當胸

蘭窗午倦寢回遲對鏡花刪半鞦韆枝一線枕痕紅未退怪人半

晌看儂時

細喘嬌吁出浴初雲鬟依舊似新梳香融汗粉羅巾拭越顯肌膚雪不如

荷風幾陣引新涼吹滅熒熒畫燭光恰好紗窗開半扇額邊斜月注嬌黃

人語花香辨不清水明簾捲夜雲輕行來仙骨姍姍甚暗裏遙聞玉釧聲

情苗

月華如雪露華濃尋徧闌干隔歲蹤祇覺東風蘇病體難遮西日駐歡容燈花刺眼雙苞結帶子驚心一寸鬆除卻寒衾溫舊寢春來無事不嬌慵

玉梅花下乍回噴卻悔頻年跡未親出意爲卿書扇子傾心喚

我作才人枕函私結聯環帶香餅潛薰墊笄巾從此一泓清澈
水東風吹起綠鱗鱗

寒夜

縞衣初出洞房門比玉生香比雪溫星眼暗擡人不覺風情畧
逗語無痕晚粧偷得元蟬影春癡迷殘粉蜨覓何處着卿蹤跡
好梨花滿地月黃昏

簾櫳悄悄月冥冥斜背銀釭倚繡屏四面圓渾金跳脫一心穿
透玉瓏璫香細慰寒衣煖茶霧濃薰睡眼醒猶恐夜深人苦
讀故拚風露隔窗聽

密意

待不消覓不自禁乍黃昏又閣輕陰背燈伴潛搔頭玉隔座親
舒纏臂金竹小苦無憑鳳力花舍先有許蜂心九天屈注銀灣

水抵得恩多未抵深

意外歡期意倍開
雲旂忽降九層臺
正愁漢使乘槎斷
卻訝神娥浴雨來
衆裏廋詞偏提悟
人前嬌眼不輕擡
明知相守原無益
且得畱卿坐一回

新年詞

新年和氣護窗紗
寶鏡臺前落彩霞
低髻恰籠如意玉
高情祇插素心花
妝梳雅澹偏傾國
禮範從容本大家
暗自喜懽佯面覷
紫蘭爭祝早抽芽

剪燭春宵射覆工
相思骰子賭瓊瓏
眼波敏捷迴身溜
睂語聰明對面通
險計欲拚孤注博
良媒擬策賜緋功
此生定有雙飛分
落手全盆轉六紅

九天珠玉墮雲端
花裏潛蹤路渺漫
僥倖下風蘭
氣息低徊昨

日盡闌干笑聲尙帶紅絨落瘦影應憐翠袖寒甘爲立殘虛幌
月待他徐照面痕乾

靜志

有時歡笑有時顰畢竟相親可算親愛極并忘容絕代情深始
覺禮拘人生生世世卿憐我暮暮朝朝女是神不及畫闌東畔
樹花開常傍髻邊春

幽窗

靜掩紅窗鎖綠筠烏龍高臥雪狸馴飛花幾誤魚吞影密葉纔
容蜨過身得伺機緣情轉怯肯擔驚愁處方眞風帆開到中流
轉也勝江干坐守人

五更

洞房春暎萬花香半似分明半渺茫燭影乍遮金翡翠簾紋親

展紫鸞鸞停雲低閣三分雨飛雪深投百沸湯正是五更寒徹
骨月華如水滿匡牀

小印

瑤臺何處著纖塵著箇飄然咏絮人天上碧桃偏帶雪洞中珠
樹不知春閒情屢說元才子雜事羞提漢秘辛偷下蟾宮脩鳳
牋自鈐小印號長眞

夜深

南斗參橫北斗闌熏鑪幾遍燒沉檀依依送別花間暗快快歸
房露下寒乍拭粉痕肌愈白暗騰酒暈頰微丹玉郎何處潛蹤
到重剔銀燈一晌看

繡鞋

六曲圍屏換晚妝倒提金縷學南唐鮮明乍脫春葱手滑膩猶

聞玉筍香合德雙趺偏宛轉宵爍半月費裁量單鳧分與郎收
拾省得摩挲滅燭狂

密札

綠窗親寄研紅箋十顆明珠抵萬千秘字不教畱札尾開函先
屬背人前團香作炷要盟久刻玉爲錢卜事圓若使常娥推不
管上頭還有碧青天

別恨

懽愛方濃別恨牽三生祗結十宵緣香絲剪後雲鬟亂羅帕封
來粉淚鮮花裏俄延悲悄悄瘦中尋覓路縣縣遙知此後紅窗
月一度思量一惘然

仙降

九疑仙子七香車親降丰權處士家風起路傳化氣息日高簾

射玉光華詩纔入手眸凝水酒畧沾脣臉泛霞贏得牆頭郎婦
滿竹籬茅舍見瓊葩

書窗卽事

妝成手整藕絲裳立到琉璃硯匣旁腕玉特因磨墨健口脂頻
度念詩香誤翻古帖尋花樣偷接私緘解佩囊同學二王書法
媚被人猜是仿檀郎

半睡

鐘聲催月轉堂堦殘髻拖針線未拋暗曳衣衿知密約輕鉤履
寫訂先交梅陰已落更番子豆蔻猶含百結包一朵紅雲看不
定纔移眼尾又睂梢

紀寢

昨宵春寢太分明乍領懽娛乍畔驚華褥安時釵暗墮羅襦解

後燭羞擎心忪早樹啼鳥影膽怯虛廊步鳥聲奇絕大都危絕處仙游纔得到蓬瀛

辟寒香煥綠熊茵滑稱凝酥轉側身枕畔昭儀珠作月幃中甘后玉生春歡稱何止則憐愛低語還防婢欠伸回憶向來翻似癡矜嚴意態是何人

鵲桃珠露潤無痕一夜仙源百夜恩斜月預通花徑路輕風偏打畫樓門衣聲綵繚攀帷緩香氣氤氳被溫玉洞明知難再返且申密約近黃昏

立夏日作

簾前春事柳絲飛簾內春人較瘦肥趙后身輕宜入掌沈郎腰細不勝衣弓鞵窄得無三寸錦帶量來減一圍天賜良緣憑玉秤雙雙輕重恰投機

新妝

素娥新換紫霓裳十二珠簾盡放光
骨節非關金珮響花枝翻借玉肌香
夜珠神彩能離合春柳苗條不短長
內裏輕衫齊揭起天生原愛澹梳妝

洗卻濃姿更出塵十眉圖樣自翻新
從來弱腕傾城色定屬聰明絕世人
三起三眠知柳重一顰一笑比花真
爲卿別製閒情賦要與陳思賸感甄

可人

春思春愁攪不和櫻桃花下一回過
卽看背影難描畫卻露神情教揣摩
圍帶早從歡日減衣香偏出靜時多
卿心如柳儂心水其奈東風蕩漾何

邢尹誰當第一儔最矜嚴是最風流
語緣性巧常傾座酒怕顏

賴畧舉甌乍展畫屏微着眼卻拈羅帶旋低頭黃昏幾陣芭蕉
雨又被遷延半晌兜

慰詞

回廊一角海棠陰
曾住低枝碧玉簪
險計極歡惟握手
驚寬無淚更傷心
耐煩莫廢磨鍼鐵
剖誓休忘約指金
記取博山爐內
火百年溫暝要如今

同病

日來同病更相憐
靈藥偷將玉合傳
不比懷香防易洩
只難量水爲親煎
情絲宛轉牽如藕
心蕙分明苦似蓮
若許玉容偎貼
久神方何必艾三年

嬌妬

驀地生疎背畫闌
二分推避一分酸
妬情纔顯真恩愛
莊語能

通暗喜歡踏月要防中婦覺眼風休對小姑看乍來花下低聲
問昨夜新涼可着寒

要試檀奴一片心忽然調笑忽深沉花中望見佯佯去月下聞
聲緩緩尋徐斂歡容渾不采屢排冷語故相侵此身恰與風鳶
似直被柔絲七縱擒

妬媒

燕妬鶯猜要避嫌近來行止倍矜嚴描成花樣慵針拈鎖定睂
痕對鏡奩倚柱有時情怏怏扶牀終日病恹恹明知窗外檀郎
過反託關窗一捲簾

只隔歡娛不隔情隔牆苦苦送鶯聲奇香透體聞先醉軟語關
心聽倍清紅紙浪裁書百幅黃昏空剪燭三更朝來百計圖方
便纔得簾前一度行

一對聰明小鳳凰憑他猜作野鴛鴦行間字裏心心印眼角眉梢面面防飛語難禁人偶中廋詞休認婢無妨金堂妬目如城遶始悔從前太審詳

忍笑

丰神林下態河洲不爲情迷骨豈柔窺到雪肌微掩歛引開翠靨漸風流兩行燭暗人聲細一陣香濃佛手揉提起去年今日事紅腮無處躲嬌羞

曉露

湘簾翠地綠雲裁寂寂鸚哥幾遍催侍女偷攜團扇去小郎私泥解圍來寢中喚起星眸灩背後驚回秀靨開最是殘粧難得見暫停梳洗向妝臺

生辰曲

銷瑟華年似水流
顏猶帶嫁時羞
夢中蜥蜴歡痕褪
髮後蟬螭齧印
顰戶耿玉繩逾
半夜簾垂金粟近
中秋盟香共拜如
環月穩取團圓在
後頭

蹤跡

畫簾鵲偶疎防
偷近粧臺看晚粧
鬬葉互翻雙陸譜
簪花教寫十三行
嬌瞋偏喜逢卿
怒歡難禁對婢
狂熟徑不愁行觸
瑟等他秋月下迴廊

瑤緘

玉郎苦索定情詞
幾拂花箋下筆遲
女伴忽來當面笑
儂家那有背人時
私書頻向窗中展
秘藁偷從枕上思
只是尋常調笑語
一經香口便成詩

玉恙

藥爐烟裊篆絲斜壓體濃香翠被紗繡枕卸頭猶擁髻銀匙顚
手自擎茶犀株鎮定恁還甚蝶癡潮迴熱轉加雪白梨花凝兩
頰從中一朵泛桃花

小堂

小堂秋氣不勝寒待得人眠月已殘燈下剪刀聲未放窗前指
甲響輕彈料卿步屨關心聽知我房櫳躡足難猶恐旁人猜妬
起隔宵先自坐更闌

阿侯

驚心妬眼列東西幽約心齊事不齊恐益悲愁顏愈冷遙猜蹤
影首先低私緘微示紅箋露密坐懸將翠袖攜戲逗阿侯啼笑
起卻探繡襦挽柔荑

可恨辭

中道風波暫毀粧
紡聲淒咽近長廊
小憐著布光迎面
蘇蕙回文曲寫腸
玉色要防西日曬
雪膚爭受北風涼
可知一寸相思意
隨著車輪百轉忙

垂簾作節雨蕭蕭
苦隔相思又兩朝
弱綫定隨情緒亂
寒燈應帶淚痕拋
坐來自分身難近
則後無如骨暗銷
記否去年飛雪夜
歸爐心字共香燒

擣麝爲烟玉作塵
當時形迹悔教親
姊歸空喚春江渡
姑惡方鳴暮雨津
盡道得憇由薄倖
翻稱無福近才人
隔窗聽得消魂語
越不相逢愛越真

不見含愁見耐驚
一波纔息一波生
王郎已占癡頑福
石尉偏多悲怒聲
轉爲情深招分淺
自蒙恩重覺身輕
明眸兩剪如秦鏡
那用牋書表至誠

宜男小像供難真供箇維摩示疾身
蕭女精誠惟繡佛靈芸指
爪是針神巧憑翻譯傳情事頻屬
詩詞避熟人心似水沉香一
縷隨風委曲幾時伸

刻意防閑斂翠襟隔簾消息太沉沉
諛辭未必非讒口詭計何
曾是吉音身在妬叢潛制淚人來
歡處默關心自從聽徹琴聲
夜已把相如當藁砧

破除纔盡又縈牽如此相思命在天
趣入形骸能解脫欲關情
性最纏綿蠶絲自縛重重繭蠟燭
空熬寸寸煎回憶未成歡愛
日一泓清澈在山泉

欲扣瑤閨問夙因醉中心膽近天真
千秋恨事花三月四海知
音玉一人無可奈何身向佛不會
真箇癡爲神抽刀欲斷東流
水又被風吹漲綠鱗

蘭舟紀遇

半欲天晴半未晴
百禽鳴處變春聲
樹離圓嶠珠先落
月見方諸水自生
愛極翻教成怨恨
悟來始悔忒聰明
無情最是隄邊柳
眼看桃花帶雨傾

只在波光澹蕩中
櫓枝無力忽西東
難從白日迴驚電
反恨青天轉順風
燕子逼簾時遠近
桃花隔竹更玲瓏
如何十二峯巒遠
只與闌干一抹同

丹誠

桃花輪豔雪輪明
說阿侯時便說卿
愁露悲愁增別憾
強爲歡笑狗多情
矜持已被人猜料
疎遠還防事變更
一任浮雲翻覆手
總難離間到丹誠

豆蔻梢頭月一鉤
照人歡喜照人愁
三年已受登牆變
九死終

拚抱柱謀敢望犀帷充面首空分鸞鏡掛心頭贈卿一把珍珠
淚好作金釵鈿合收

玉樓

一聲玉笛倚瑤臺風蕩珠簾扇扇開祇恐君看猶約畧不關儂
影太低徊遠聞香氣和花亂微接音辭帶笑猜欲覓仙人來往
迹石堦無縫長春苔

已聞春病與花疎又值楊花撲面初怨極癡思越禮愁來情
性悔知書蓮含苦意才成實竹有深心可奈虛欲寄綵牋消息
去侍兒誠僞定何如

紅滴臙脂翠滴螺有人清影獨凌波似從明月飛來遠卻比輕
霄豔得多珠箔儘教花掩歛畫闌偏受玉摩挲春蕪一被傾城
體應使人間薄綺羅

五銖衣薄剪元綃越襯肌膚雪易消靜裏忽參禪
潛笑時反助鬢花嬌無言早信丹誠達着迹纔須綠綺挑但使常娥心暗
許未妨白日對青霄

卽事

梳勻纔了畫闌憑雙鬢安花百媚增爲是玉郎親折贈碧桃除
卻換銀藤

小園春早露華香偷搯晨葩助曉妝如雪花枝如漆鬢碧紗窗
裏翠衣裳

眼耳叢中分限清敢將平視效劉楨低頭只作枯禪坐暗看蓮
花貼地生

拜月盟星坐徹宵日長神倦苦無聊雙眸忽地清如水對著芳
姿睡思消

簪花楷格似人妍下筆明珠箇箇圓除卻答郎詩句外不曾輕
易落雲牋

淚珠和墨寫成書詞令風華綽有餘但使玉臺司筆札也應喚
作女相如

水晶簾下恣窺張半臂纔遮菽乳香姑射肌膚真似雪不容人
近已生涼

鵬鱸心字守香盟一紙私書百種情放著今生緣未了思量又
要訂來生

願作鴛鴦寢未成肯擔驚恐始真情忍將絕世才兼貌草草相
思過一生

情絲細剪與檀奴纖軟纔離膩玉膚何物生香堪配取梅花心
裏數莖鬢

無題

青粉墻頭日易沉，每來一刻抵千金。
眼波頻遣覓搖蕩，語能通思歎深。
覲面歡愁先在意，病軀寒煥總關心。
此生脫屣功名想，願學雙飛水上禽。

偷贈新詩妙絕倫，平時拈管卻瞞人。
才偏不露方爲大，情到能癡始信真。
欲表素心頻送來，難通私語只含顰。
何愁團扇秋風起，比目雙身是一身。

火繖當空不可行，別來十日抵三生。
可能眠食如前勝，畧覺風姿比昔清。
縞素衣裳逾嫵媚，尋常言語盡聰明。
幽窗儘許俄延坐，飽聽青荷洒雨聲。

恩重惟拚一命酬，狂心那復恤嬌羞。
行雲神女難爲夜，奔月姮娥自耐秋。
癡好惜無痕可記，香消還有誓長留。
兩情但使如金

石不作鴛鴦死不休

慰箇人

已苦鴛鴦銷翼分祇畱弱息慰文君罡風又奪明珠去從此孤身似片雲

往事前塵付逝波何須清淚滴銀河仙家瑤草原無種不似桃花結子多

維摩示疾誌感

天女雲輶下碧空維摩丈室頓春融悄移畫牕防驚枕微揭綃幃愁透風有淚但看含脈脈無言祇索去匆匆再三珍重臨行意只在橫波一轉中

無題

天女菱華婉神人韓子潮奇緣逢漢浦宿分阻高唐交甫曾投

珮雲英可乞漿屢通姜氏信總怨阮生狂目語當窗送琴心隔
座商事雖殊卓女情早許劉郎佳約常敲月幽期每犯霜步聲
纔蹀躞簾額已飛揚欲露全身影先舒半面妝來時窺了了見
後走佯佯實怨身難近聊稱禮自防潛裁紅錦袂偷送紫羅囊
好句奩中繡私書袖底藏他生期峽嶼來世效鴛鴦瑤札頻催
試繙錢暗潤裝臨歧顏黯慘遠送意傍惶歸寢縈珠帳輕身到
玉堂暫回辭弱水小住覓柔鄉芳意寧知變仙蹤不可望無由
排窾闌空自繞脩廊寒霧迷金屋飛泉障石梁摩挲存舊物思
憶啓緘箱戚氏驅環重麻姑指爪長青絲封一握素紙擘千張
烏鰂盟猶在紅鸞願豈忘卿誠薄韓壽我肯負蘭香文冑針雙
縷繁欽淚兩行明星昭密誓皦日鑒迴腸剖腹難陳訴題詩倍
惋傷丹誠如不滅片語報王昌

內人指甲

不愛勻黃不染丹生來偏喜近豪端只因久慣拈花後落剪依然氣似蘭

附錄

席佩蘭

摻摻指爪脆珊瑚金剪脩圓露雪膚付與檀郎收拾好不須背蚌倩麻姑

書所見

環珮璆然臉暈潮露華噴著海棠嬌愁他燭影搖紅裏映得梨花暝欲消

重認

重認天台路不差花中豔煞碧桃花人間無此嬌紅色除是青天一片霞

別棕

九十鶯花日日忙行歌到處識清狂
曾無齒受金梭折舊有才
蒙玉尺量仙籍可能通弱水詩名早已播柔鄉
終拚奪取芙蓉鏡送喜粧臺玉鏡旁

九州纔得一知音況是聰明絕世心
直謂才華無我敵每將詩句背人吟
私書縱寫愁空閣別淚難流恨始深
只有丹誠期報答不逢君更不彈琴

寄遠

畫樓煙雨潑雙湖六六鴛鴦對岸呼
爲問語兒亭畔柳春波綠似去年無

舟中月夜

蓬窗深閉奈愁何恐見姮娥愁更多
此際夜明簾底月有人無

那注橫波

題閨人團扇

秋天薄如紙欲飛秋雲亂卸秋羅衣碧空無人紫簫響靈風來
往皆真如月中素娥面如月青女霜中帶霜骨清氣都乘白帝
凝冰心共守青天潛相對嬋娟秋夜長看他織女度銀潢月作
明珠來贈嫁霜爲鉛粉助新妝須與花發黃金粟玉杵搗香香
萬斛紉扇遙開三界閨霓裳舞散諸天馥分明擎出一枝斜要
與人間富貴家贏得少年齊仰首不知若箇得簪花仰家扇子
清風發潔若秋霜皦如月欲識雲中縹緲仙先參畫裏芙蓉闕
霜月同時藻鑑開一雙仙影下瑤臺意中早有探花客故著青
衣仔細猜

天真閣外集卷一

天真閣外集卷二

詩二

昭文 孫原湘 長真

燒香曲

紅窗十二扇明紗喜鵲催成兩鬢鴉
背影瓊瓏俱絕世才情宛轉總宜家
工詩慣削檀郎草解語親筆繡佛花
手熱水沉香一縷月輪心事鏡年華

紅樓

聞聲覩影盡聰明心似荷珠滴滴傾
新月痕留階際澹幽蘭香自骨中生
呼爲才子名俱豔供作觀音畫不成
隔着紅樓親下拜可憐情重覺身輕

附錄原作

樓際秋光分外明
簾波裊娜帶風傾
未甘綠髻隨時改
辛苦

黃花太瘦生搦管
比人偏緩就買絲繡
佛喜初成朝來親把
爐香蕤煙篆縈衣一縷輕

九月見碧桃花

記得花飛洞口天
重逢又值小春前
芳心更比儂情熱
那忍相離到隔年

書悔

過後思量百悔遲
昨宵當面錯良期
玉盤諫果親傳出
瑤札情悰密遞知
躡躑潛教人靜後
卸頭明示睡來時
如何誤會消魂
意半晌綢繆只論詩

夏曉

似聞蝙蝠拂簾旌
手攬銖衣笑出迎
一種風情初睡起
半偏雲髻未梳成
眼波鉤去魂知蕩
心火然來膽易驚
身願化爲珠露

點天風吹向玉盤傾

林下

洞房香霧捲朦朧喚起惺忪淺癡中直與春風俱澹蕩若臨秋水更瓊瓏前身合是沉檀化到眼能教粉黛空纔見蕭然林下品一經芳澤便雷同

環珮珊珊落九霄珠圓心事玉華雕生成仙骨非丹換朗徹神情要白描浴罷不愁雲鬢亂燈前還怕雪肌消料應除卻盤龍鏡那得人間有二喬

徹底聰明藕共蓮情深何礙舊生天吹來語氣香如佛脩到身旁坐亦仙絕色也敦名士品奇才只受美人憐佗生願化雙胡蝶一繞鬟邊一鬢邊

銷瑟年華似水添紅蛛送喜鵲巡簷春痕宛轉鬟雙幅秋影澄

泓月一簾戲咒燈花佳識卜楷書貝葉小名簽芳心託付消魂處只在睂尖與指尖

憔悴秋容怨小春碧桃花裏露丰神乍舉繡幕客通語畧近粧臺卻斂身莫訝至情翻似客可知相敬本如賓無端一點關心處還恐旁人看得真

驚才絕艷總緣情百節疏通百媚生便到中年仍絕世但留小影足傾城月安睂際三分曲秋在心頭一字橫長笛自吹花自落不知何事又干卿

意中人

萬樹夭桃百囀鶯意中別有最傾城神樓縷縷身難到心地空靈目已成水月鏡花偏可戀衣香人影總多情掃除倚翠偎紅念消愛相思過一生

樓前花放下樓行態自矜嚴體自輕語出脣梢須領會波生眼
角定聰明羅襦難掩肌香透紉扇猶緣臉暈擎越近中年人越
豔半關風韻半關情

畫堂前後寂無人逼近丰容看箇真那料窗中先着眼卻逢簾
底乍迴身爲卿來意情應會教婢傳聲語實親平日持家風格
峻不曾輕易露微顚

不是琴挑卓女絲不關天壤恨凝之若論才調原如壻抵覺龍
明獨讓伊過眼風情俱是約真心恩愛本非私愁來只怨天多
事偏有今生見面時

索書

玉纖親舉墨隆隆索寫簪花仿帖工着意防開簾幙外關心燥
溼硯池中深情暗託雙鉤遞私語潛憑一字通絕妙人前畱客

計教儂端楷莫匆匆

芳姿

憑闌千里渺相思說與西風總不知一片落花人去久二分明月客眠遲事經可喜皆如寢情到無聊便是癡青粉墻高在天
上卻書團扇寄芳姿

寒繡詞

一點芳心不忍瞞買絲親繡與君看金針竅本璽瓏透綵線紋
都宛轉盤燈影挑殘花絡索釵痕刻到月闌干拈毫呵盡冰壺
墨未報寒窗十指寒

曲題

曲闌風定雨初晴瞥面花光識是彫弱腕一雙金釧重頽雲十
二玉釵橫芭蕉儘可藏人影鸚鵡剛無喚客聲不敢舉簾通一

顧恐教着眼太分明

疑棕

千呼萬喚隔簾旌未肯回眸一笑迎此地不應猶碍婢平時始
悔錯憐卿偎依轉傍生人熱恩分翻緣熟極輕那怪幼輿遭折
齒東家鄰女本無情

仙蹤

十二瓊樓境宛然杏花親折玉臺前愁痕祇覺雙睂重春氣偏
增兩頰妍別不多時看越好悄無人處見猶憐東風一覺流鶯
寢又報紅窗柳脫縣

明珠捧出價難論築玉丰姿剪雪痕小字呼來仙有骨雙眸着
處佛消魂偶臨淺水教花妬若化輕雲定月奔一粒江南紅豆
子還依芳草長情根

遠歸奏記粧樓

紅樓咫尺是蓬瀛手展文窗扇扇明
褰帶早徵三日解羅衣特爲一人更
花陰匝地常如水雲氣漫天忽漏晴
坐久思量才省得分明來便出簾迎

經過瞥眼畫樓中來是無言去又空
情在不言須領會事除有迹盡通融
自描素影花雙箭難縮藍橋地一弓
但得朝朝見明月也如身到廣寒宮

贈春燕

覆額輕雲覆體綃風前搖曳正苗條
儂心自爲香蘭醉嗅得蘼蕪意亦消

染翰朝朝侍鏡臺簪花芳格許親開
鄭家枉誦葩經熟未帶溫柔福分來

衣香

玉雪狸奴感主恩，當簾深護洞房門。
柳鶯入抱疑無骨，梨頰偎人怕有痕。
何處星辰移碧落，此時風露近黃昏。
歸來不敢人前坐，衣上餘香一月溫。

聲影

一聲玉笛海天空，十二樓臺面面通。
人影與梅同隱約，月光兼雪更瓊瓏。
生香忽起疎簾外，私語偏聞小閣中。
真箇消魂原是假，賺他燈蕊結雙紅。

心香

十二紅窗手展遲，睂能爲語目通辭。
柔鄉福分輪卿壻，絕世聰明是我師。
水底更無容藕處，泥中或有見蓮時。
丹誠一片何由達，願捧心香拜茂漪。

夏夕

蟬翼輕衫杏子紅
紗巾浴罷出簾櫳
風扶綠水蓮初起
雲讓青天月正中
香氣似傳肌細膩
光華翻逼眼朦朧
無端惆悵無端喜
一度憑闌幸不空

盛暑

徹夜難安小閣眠
消覓人處尺書傳
緣知弱質支離苦
卻累深情宛轉憐
蠟燭有心偏煥熱
藕絲無孔不纏綿
分明一紙相思字
抵得清涼萬斛泉

惆悵

當年小住鬱金堂
一折屏山近曲房
夜月潛踪聽響屐
晨葩偷掐供梳粧
百愁對我歡成笑
十索瞞人苦要償
今日藕絲風剪斷
相看單道莫思量

昨朝仙佩下江臯贈我丁香百結絲似訴隱腸難解繫不辭纖
手爲親縈纏繚正好籠梳髮宛轉何從落剪刀一綫深恩重掛
起鬢絲撩亂玉頻搔

曉睡

桃笙難得一宵宜偏是郎來妾起遲連夕可曾成穩睡此時何
事觸炎曦花浮磁盎霞猶溼鏡掩粧臺月未移翻把羅幃低放
下玉肌消減怕教知

晚粧

最高樓閣倚雕闌一種光華射月寒心有幽期要佛證身從明
處任郎看芙蓉墮髻連雲重蕉葛裁衫映雪單恰是不曾當面
錯料應歡意似儂歡

病訊

日炙紅酥汗體香玉人小病倚銀床心如蓮子中間苦面帶葵
花一半黃小婢那知窺喜怒庸醫枉自臆溫涼君身便作靈芝
藥只許儂看不許嘗

贈花

小朵華鬢向夕開玉纖親摘賜粧臺要君覓癡都香透似我肌
膚得傍來倘置仙鬟蕭亦好便將佛座供應該他時憔悴終憐
惜况捧鮮妍雪一堆

恩波

受恩容易報恩難難在深情事事瞞憐我病軀如壻弱要郎珍
重使儂安語經述口猶香氣影亦消覓耐細看今日露華濃似
酒始知身自作荷盤

仙人

姑射仙人碧玉家一泓秋水托輕紗常緣養病兼鋤藥偶罷燒
香爲護花垂帳怕聞燈氣息懸珠自放月光華饒卿靜極難遮
豔臉際橫波接媚霞

翠茨

翠茨新看一瓣生鸚哥喚後獸環鳴羅衣耐熱皆緣我茗椀先
涼最感卿衆裏眼波潛送媚閒中口角總關情炎風如炙雲如
火值得今朝觸暑行

天台圖

桃花流水影參差剛是胡麻飴熟時笑語暗聞天上落星辰偷
向月邊移授來靈笈須頻檢捧出雲漿未忍辭身到人間增悵
惘石梁臨渡合遲遲

梳頭詞

委地香雲散不紛何曾露鹽與蘭薰風前自把輕紈扇扇與檀
郎仔細聞

炎曦不耐挽雲堆巧髻分梳蜨翅開自出儂家新樣子要將名
色試郎猜

爛梳雲髻太戔戔挽箇家常髻似螺一幅白描南海像只差蓮
瓣瘦凌波

玉色瓊梳兩不分鏡奩都作月波紋水晶簾子風微卷一樹梨
花一朵雲

咏協蘭閣茱

濃香五百朵齊開繡閣分移到玉臺自是芳心工選擇更逢仙
手善栽培晚風勸插高堂鬢餘雪從教滿案堆聞道城南秋水
婢寄書翻爲索花來

謝女

五尺輕綃曳珮琚天然清水出芙蓉人緣傾國光常斂仙亦宜
家俗自除曠世一空脂粉黛中閨三絕畫詩書若將玉尺量才
子正恐相如愧不如

懊儂

最好無情最苦情思量百恨總情生恩深要斷他人寵癡絕求
堅隔世盟月爲速圓翻易缺風纔微順又兼橫間堦一縷沾泥
絮曾向樓頭赴蜨輕

知己

彈徹我簷響雪琴三生石上少知音一雙仙珮殷勤下十里桃
花曲折深授我神方皆上口負他鬼謗亦甘心酬恩剩有瓊瑰
淚灑作秋空片片陰

秋懷

仙露泠泠滴晚蕤隔江消息近何如
天長祇許同看月路遠還防錯寄書
蝶癡人耶人癡蝶魚知我否我知魚
凌風欲趁如船藕一叩瀟湘帝子居

露立

西風刀尺幾時休盼煞青天月一鉤
燕剪原知多宛轉蠶絲祇恐太綢繆
言無人達難成信秋上心來盡是愁
苦立夜深涼露下遙陪燈火玉樓頭

香癡

月華如雪滿瓊樓樓上齊懸翡翠鉤
雲氣空濛連渤海花光離合是羅浮
洛神自許遮須國織女曾逢博望侯
身惹玉爐香不散醒時猶帶愁

夜過妝閣

相思不見還相覓三日休嫌兩度來無月且將明燭代有花須
趁好時開冰盤捧出經仙手綵筆吟成自主裁爲報維摩秋病
起願隨天女進霞杯

玉臺

玻瓈爲障玉爲臺一點靈犀自辟埃花片欲隨雙管落詩情都
傍九天來粧臨秋水清無染癭與湘雲撇不開事事要如明月
滿昨宵睂影畫剛裁

附錄原作

鮮妍秋色映樓臺那用文犀爲辟埃半世閒身詩裏過十年
清福病中來蘭窗紗影和香坐雪鬢花枝對鏡開未覺人間
羅綺好布裙喜是嫁時裁

皈依

綵雲飛下十三樓
悄立屏山最後頭
離客香風纔一尺
照人秋月是雙眸
癡聲臨去訛中婦
笑靨微圓認阿侯
我已皈依仙座下
見花無那轉含愁

秋九卽事

雲母屏開曉鏡移
綵鸞如與玉蟾期
花依瘦骨工摹影
酒入歡腸不透肌
仙珮遠聞鳴琥珀
神光早見徹玻璃
深情要似香爐火
熱太心焦煥最宜

再奏粧樓

管夫人畫易安詩
二妙能兼冠一時
清淨福還分壻享
溫柔情恰與家宜
樓高碧落心同寄
秋到黃花影獨知
自有閨中千古在
漫勞王母賜金卮

常娥

本是常娥一輩人
木樨開日作生辰
大江南北無其偶
明月中間着此身
筠管著書偏自富
荆釵絕口不言貧
直將冰雪都消淨
秋水空靈爲寫真

隔水樓高

思君不見且尋君
隔水樓高未夕曛
正欲與言三夜癡
祇餘迎面一窗雲
竹陰深護湘簾碧
蘭氣微沾茗盃芬
手拂銀牆畱句在
好教惆悵到宵分

懷遠

吳山青接越山青
愁思如雲入杳冥
鏡影已看虛一月
香盟猶憶對雙星
揉殘詩草書難寄
挑盡燈花兆不靈
癡裏相逢了無益
秋來況是癡蘇醒

花影

水中花影太夸猶香不能沾影自留咫尺直須論萬里終朝何止似三秋月臨窗紙將穿眼風透簾櫳未上鉤此是最消魂境界蓬山何處海西頭

衝寒

相見明知枉斷腸相違無奈便思量來如江上潮通信人似天邊月放光風勒暗香穿小閣花迷清影轉迴廊玉池常賜雲漿暝那惜衝寒度石梁

護薰

畫閣沉沉閉寂寥藥爐煙影伴昏朝潛來外院金錢卜暫撒中厨玉膳調圍帶已隨秋月減芳心休逐夜香焦仙人手護忘憂草歷盡冰霜定不凋

秋夕卽事

越到朦朧見越眞
暗香霏霧細如塵
烟中搖曳還生玉
月裏依稀定有人
花爲遙看須正面
山從低處得全身
此情不料卿能會
始覺蘭香果是神

翠袖

翠袖亭亭倚暮寒
手裁慈竹護平安
臨風玉臂嬌難舉
平日金條約漸寬
霜杵敢辭親和藥
銀匙還要勸加餐
暫偷半晌支頤坐
綵筆無心拂素紈

瑤池

珮聲何日返層臺
十二文窗絕點埃
寶鴨暗燒心火熱
銀蟾清對眼波來
觴飛靈液和雲擣
褰拂仙葩帶露開
辛苦瑤池陪阿母
芙蓉雙頰減丰裁

畫廊

鬱金堂北畫廊深
雲弄秋光月弄陰
殊色芙蓉偏並蒂
異香蘭蕙本同心
吳宮自漾珠簾影
楚水都含玉珮音
畢竟昭陽誰第一
尹夫人在不須尋

道是

道是才人是美人
前身端是屈靈均
心思有孔皆生慧
眉睫無愁亦帶顰
夢極難將詩句寫
緣慳只許畫圖親
分明一片瀟湘水
莫爲驚鴻誤洛神

寒阻

霜肅風淒不可行
轉緣情重似無情
脩成蛟蜺原孤癭
訂定鴛鴦是再生
銀燭幾曾知喜恨
金錢空爲卜陰晴
分明見面仍河漢
卻費相思到五更

妬菊

鵷哥見客喚簾櫳乙字銀鈎漾好風屏影欲翺花宛轉窗光先
映雪瓊瓏情辭遠托雙眉遞羞暈微添兩頰烘瓶菊如星看漸
減每朝僥倖上釵叢

三婦豔

佩環宛轉下瑤京五百仙中第一名大地寒消春豔冶中天雲
淨月空明欲求髣髴還形影愛讀離騷見性情除卻瀟湘煙水
上人問何處着卿卿

翡翠簾櫳透日華窗光迎面泛朝霞清癯未稱金爲屋朗徹原
應月是家百竅含香非豆蔻一生偏愛屬梅花慧心那有纖塵
起脆雪分明在齒牙

風韻飄飄落半天左芬才調本如仙聰明解道因風絮瀟灑真

同出水蓮潑茗偶同開口笑擁書常不卸頭眠一春花下芳蹤少只在琉璃硯匣邊

病訊

向晚飛鴻報遠音玉人秋病爲誰深肝虛枉自煎銀葉背冷應嫌壓繡衾樓下人行還側耳瓶中花落漫經心丰容回想清癯甚耐過重陽又到今

寫就私書欲寄難燈前翻覆自家看靈方未必全關藥軟語何勞更勸餐况隔重門如癡裏應防孤枕觸愁端緘成依舊潛燒卻兩字單畱是問安

寒况

淒寒事事易消覓况是西風雨打門擊楫誰迎桃葉渡捧心又病芋蘿邨魚鱗剖去空無信獵體塗來怕有痕吹滅幽窗樺燭

坐不教孤影伴黃昏

有答

佩響簾櫳。響苔嫣然一笑。百花開。光生殿角。驚同列。慧辨宮商。歎異才交頸。鴛鴦親繡出。隨身蛺蝶。自飛來。新恩暫渴金盤露。已是椒房中選材。

次韻再答

翠鴂秋生玉砌苔。瑤絨湘帙對香開。吟成檢點無邪思。曲罷傾輸有善才。抱石自盟心不轉。買絲非繡佛如來。綠窗一樹孤桐影。知是琴材是瑟材。

玉尺詞

何人玉尺敢量詩。樓上昭容字婉兒。秋月剪眸書萬卷。春花羞手筆雙枝。捧來香氣含薇露。評出芳心費藕絲。卻笑衛家風調。

別祗將八法授羲之

秋樓

一樓秋氣太蘇醒
病起新粧出畫屏
花入瘦來偏旖旎
柳經眠後更娉婷
食單尙飭中廚禁
繡剪應知小閣停
愁絕綠窗風影裏
遠山早覩一痕青

玉階

望影猜聲已斷寬
况容平視近中門
楚天舍雨常疑碧
湘水和雲不着痕
仙耍幾生脩得到
佛因無爾敢稱尊
玉階秋草臨纖步
翻許親承足下恩

疊韻三答

壓髻花鈿翠似苔
文窗窈窕宛竹間
開風情別有三生契
月旦能空一世才
身爲聰明常病癯
光因親合覺神來
幽蘭帶得騷人

性合是靈均作賦材

疊韻四答

樓中鳳牒不沾苔樓上珠簾颺日開無目亦應知絕色有情方
許得兼才衣翔輕影愁仙去鏡迸圓光訝佛來朔雪梅花春月
柳是卿身分是身材

展畫

西風渺渺洞庭寒環珮聲虛罷采蘭巫峽峯巒偏側好楚天雲
雨欲晴難翻飛翠鳳旗空下縹緲蒼龍瑟自彈一片澄泓湘水
在不如歸展畫圖看

誓約

寶鴨添香徹底溫思量一遍儘消魂金針刺繡連詩贈瑤札焚
灰和酒吞年與水波看漸長事如花影過無痕鴛鴦只誓來生

約拚負深情不負恩

疊韻五答

綠窗閒閉銷紋苔落盡春燈鎖未開怕聽子規添舊恨偶翻花
樣見新才玉屏罷算圍棋劫瑤札偏期鬪草來抱雪猶猶膽
怯當熊終竟是粗材

廻廊

廻廊曲折遇芳蹤髻影低圍釧影鬆西子紗衾閒自浣小憐玉
杵偶親春愁來畧比司花女癡絕求爲賣菜慵深院日斜簾幙
下泥人剛道是嬌慵

新病

近如蟾亦遠如蟾心自通融迹自嚴極檢點時惟手札最分明
語在眉尖乍中年紀花三月不定情悰絮一簾纔是幾朝貪染

翰綠窗又報病愁添

寒棕

一寸工夫一寸金不多時別更情深相看消瘦還如舊孤負清秋直到今悲喜此時難露面寒暄常語亦關心茶甌暫作畱君計不是臨行不教斟

爐烟搖漾奈風何似妾心頭委曲多擔得虛名招嫉妬悔因堅約致蹉跎雙關語秘瞞青鳥一尺身懸抵絳河剩有悲愁相對分不忙時節定來過

病述

十二文窗扇扇關清眠消受病中間強將笑語酬夫婿拚得摩挲累小鬟蓬髻簪花翻更好叢箋堆草倦加刪別饒心事常溫處銀葉甜香炷博山

不知嗔燕是嗔鶯病煩紅潮一縷生有甚薄言偏往慙無端失
手又翻羹幾曾喜怒輕顰笑轉爲溫柔鬱性情究意深愁難料
着檀郎枉自負聰明

忍姑

月有方諸鐵有磁不容相近轉相思爐灰至死中心熱蠟燭難
燒一味癡別後思量偏噫覺來時歡喜只罨知憑他妬眼應無
計剪到柔腸寸寸絲

偶然相見鬱金堂收卻聰明斂卻狂茗椀未妨畱熟客熏爐何
患洩生香祗餘典午清言習那用倉庚療妬方若許天台長借
住桃花翻看得尋常

解嘲

蠶眠小字綵箋投絳帳遙開白玉樓自是上官眞慧眼非關內

史肯低頭栽將桃李成香閣
薰到芝蘭借翠簪
值得旁人姍笑
起勝他長跪見公侯

寒閨

小窗寒意晚來嚴
瘦玉腰支半臂添
睡思不堪將茗破
病懷偏覺與香嫌
閒和鏡影論心曲
祇許爐熏着指尖
正是撲簾風信緊
爲誰輕立到瓊簷

曉堂

曉堂風格太矜嚴
強起佯佯倚繡簾
隱語百無關妬忌
靈心一半避猜嫌
河深未許填烏鵲
天濶纔容見素蟾
卻憶小屏山角事
燭花昏暗雨廉纖

銀潢

紅樓隔雨似瀟湘
梅額纔呈半面妝
絕不擡頭心自會
早知着

眼願都償雲行水上原無迹風過花中已得香脩到神仙夫婦
分未妨長是隔銀潢

書憤

絕無波處忽生瀾如此情場涉歷難本不嫌疑何用避果然禮
法那須攔花緣香極能招蠹酒爲甘多易致酸只隔一重橋檻
地青天碧海路漫漫

晨粧

玉樓清曉整嚴粧坐到花陰轉曲廊乍聽烏聲先認一纔窺釵
影已聞香偏逢外院開金鑰未許中門度石梁嬌鳥漫歌泥滑
滑從來辛苦做蕭郎

屏山

門外鸚哥喚客來金堂親揭繡簾開重裘不改纖膏柳低髻初

圍磬口梅暗炷甜香籠麝火潛催苦茗拭螺盃此身貧與郎依
纔轉屏山又折回

賦得吹氣如蘭有贈

之子如蘭質天然勝麝芬一絲清氣吐四座妙香聞舌有生花
本心原得蕙熏轉喉先馥郁粲齒便氤氲呵罷疑成露吹來欲
化雲人宜湘水住風自謝庭分莫認秋英佩非關午篆焚餘芳
還竟體沾惹到同羣

春感

淅瀝西風透晚寒畫屏前事憶漫漫抱香蝴蝶竟猶顫承露芙
蓉淚未乾緣阻自憐生我早情多方信做人難願將心化中天
月不是知心亦與看

雨

一聲清脆玉鈎鳴手整鸞釵笑出迎是甚好風吹得至如何微
雨滑能行花陰匝地都成障雲氣漫天未定晴可奈流鶯啣不
得紅欄的的綻朱櫻

新粧灼灼比花嬌隔雨看如隔霧綃知我欲來開小閣累卿久
立倚疏寮鶯鶯聲自教雙鬟度燕睇先偷四目招可是玉樓天半
迴湘簾更復障條條

縛筆詞

翠羽離披漸不才素絲纏縛荷粧臺幾成鬢髮蓬鬆候卻費心
思約束來墨要濃時如意態書須瘦絕稱身材從今只作蘭花
蕊任爾縱橫莫放開

春游

雲葉爲帆藕作舟一雙神女弄珠游堤邊柳亦爭舒眼艫後山

多欲掉頭環燕任人施月旦尹邢各自占風流侍兒一種傾城
色已是桃花見面羞

仙人

姑射仙人縹緲間乘風一片彩雲還眼波自注瀟湘水眉黛遙
分宛委山癡好已拚星獨宿情深能使月連環分明只坐芙蓉
裏隔著輕煙不可攀

手札

一紙私書密語溫緘封猶自帶啼痕願郎自保風霜體勝妾親
承雨露恩隔世有盟須結髮今生無益枉消魂淒涼那忍低徊
讀燭下焚灰并淚吞

病耗

深書閒垂窳地簾雙鬢又報病懨懨已妨聽雨三宵睡還是看

天眞閣外集卷二
花一日添鳳子魂靈空澹蕩鸚哥聲影亦沉潛迴廊值得移時
立翻恨今朝莫避嫌

曲意

無意鶯啼恰恰啼曲闌東畔畫廊西未知人影香先至得近花
光目轉迷罨簾旌釵欲溜似拈鬟帶首旋低相逢已是空惆
悵况更相逢未必齊

天真閣外集卷三

詩三

昭文 孫原湘 長真

花下

碧桃花下定相尋
道我消覓恐不禁
豈有容如明月好
祇緣情比綠波深
癡雲未散終成雨
頑鐵能磨尙作鍼
就使春殘秋更豔
莫添無益祇傷心

情悰

惻惻東風透骨寒
羅衣映雪五銖單
焦心守定香邊誓
忍淚偷從燭後彈
淒婉笛聲三五夜
瓊瓏花影一重闌
蜘蛛送喜鶉啼恨
此刻情悰恰兩難

邂逅

絕不相思思轉深
隔年看見到如今
飛花着雨猶粘樹
殘線臨

風強度鍼事秘怕人偏料得寢醒還自費追尋如何邂逅翻羞
澀心在郎邊眼在心

病訊

茜子紅衫水樣柔輕寒惻惻下簾鉤肌膚越顯嬌如雪丰韻偏
宜瘦似秋爲我關心猶強笑妮他回首卻微羞但令蜜味中邊
滿幽恨原非藥可瘳

青粉牆頭

青粉牆頭碧玉檐柳條金嫩罩纖纖似無人在空飛絮疑有風
來忽卷簾清脆鈴聲兼語細模餬花氣雜香甜情深那用多相
見猶恐金堂未免嫌

雙豔詞

一樹垂楊一畫船綺羅叢裏鬪嬋娟香雖異種聞皆醉鶯有同

聲囀各圓比作花枝應姊妹脫離煙火便神仙心頭不是天人影如此傾城亦可憐

初夏

鬱鬱紅樓過卻春傳來消息昨方真月宮尙嬾仙梯下天女還須病榻親拒藥自含深意思畫蘭偏露瘦精神卷簾早見櫻桃熟莫爲飛花又損身

病中苦憶

金堂侵曉寂無人簾底偷窺沈約身消渴已聞中酒日衝寒猶犯落花晨就嫌濃睡宜過午便事清游亦耐辛別有願卽珍重處卻無一語自沾巾

屏東閣後遇臨卽細叩文園病裏悵懸弩急須尋樂廣生芻且莫詣林宗窗疎着眼人私聽竹密驚心婢躡蹤翻折花枝歡笑

去已防愁思上眉峯

花殘封題小印嚴玫瑰香酷蔗霜甜禁方雖載中心補飽食終
愁內熱添小別光陰紅雨盡相思滋味綠飴粘爲郎手解煩襟
渴別製新茶碧玉尖

曾覓幽房暗一巡燭花如豆雨如塵鏤金香枕虛長夜屑玉清
譚是慧人誤觸寶絢猶窵窵任鋪湘簾太因循思量好景都成
癭只恐當時已不眞

無題

雙銅環響噪栖鴉特揭金堂淺碧紗瀟灑自如胸有竹聰明相
照眼無花香含幽極方爲祖豔透翠中是若耶璧月在天光在
地認來雖遠不曾差

秋夕

碧天隱隱紫雲歌金粟香霏染袖羅此地更無塵世想滿身祇
覺露華多呼來小字同明月卷起輕簾卽絳河應笑麗華瑤樹
底教人強喚作嫦娥

眞眞

眼福輸他老畫師碧桃花下對明姿竟容平視如公幹悔不前
身作愷之潑茗偏邀當面笑含毫還要點睛遲十年枉號平原
客纔有樓頭一見時

一泓秋水影瓊瓏捧出生綃綵霧籠相識似曾鸞鏡裏分明差
勝蜨霓中溫柔恰許傳神得供養眞應繡佛同畢竟是煙還是
玉卻愁神物化遙空

薔薇露浣晚粧成別倚瑤臺弄玉笙綵鳳自來剛翼比銀蟾可
到是身輕人擔豔冶原須福天賦聰明必有情不畫幽蘭定梅

萼更無他物着卿卿

懷儂

花下明粧囑寫真轉於調笑致嬌嗔濟尼失口稱閨秀伯玉無
心誦洛神似畏窗光旋頻首乍拈鏡影欲迴身畫師解道愁尤
好卻倩蛾眉更一顰

誰將消息報重簾偷寫崑徽入素練未是描摹嫌仲朗祇因唐
突怪無鹽鴟媒已恨胡香洩崔鑰從添屈戍嚴可記鏡中歡笑
語要圖雙影學鸚鵡

冷眼斜睨爾許時臨行卻又教遲遲呼鬢別進先春茗掠紛重
刪過午枝薄怒始知深似笑嬌態尤變近於癡比肩半同嫌都
釋那用燒燈密咒辭

感舊

青梅一樹暗疎櫺。桂戶銅鋪畫亦扃。映日簾波搖細細。隔花香霧起冥冥。前塵恍忽曾遊月。昔夢依稀是謫星。竹密枝繁迷路久。不關容易動金鈴。

春社

六街簫鼓任闐門。寂靜瓊樓睡思昏。躡迹忽來飛鳥影。幽期不負刻花痕。羞無可掩全呈媚。香莫能名但覺溫。回憶向時驚鷗味。已消覓尙未消覓。

小樓

唐梯徐點屨聲嬌。立定驚鴻臉暈潮。羅帶乍鬆先色戰。玉釵將墮最覓消。關心恐被雛鬟覓。側耳疑聞彩伴邀。欲去未能畱。不可且申密約待明朝。

背影

削玉雙肩秀絕羣遙從背影識文君衣裁藕色偏如雪窗透蘭
香可待薰別後金堂剛半月望中珠箔抵重雲明知小立青苔
久喚徹鸚哥似不聞

幽檻

貪依幽檻立花陰忘卻冥冥細雨侵替整蓮巾防折角代障葵
扇示同心憐卿秀色調飢慰知我清姿病渴深戲語他年身後
事帶嗔和笑未沾襟

曉妝

水晶簾射日瞳矐茜子裙襠八尺紅羞對熟人呈暈月笑持雛
婢作屏風梳頭慣學輕雲立頰面纔將豔雪融偷指珠蘭籠袖
底覷人方便擲奩中

晚妝

輕雷隱隱過池塘珠押風開換晚粧碧玉奩梳清徹水紫荆釵
股暗通香燭邊元髮光堪鑑浴後冰肌近自涼日對遠山眉一
角未妨四壁自清狂

依文

月波裁剪作輕綃著向風前水樣搖謝女襟情原雪澹蕭郎踪
跡比天遙曾勞花勝同同結枉盼瓜期昔昔邀輸與鬢師偏逼
近豪犀親見撥雲翹

一鉤黃月最多情斜影侵眉喜氣生出浴衣香如昨日斷腸書
約是初更偷窺竹徑原微掩驚避花叢卻緩行蹤跡自疎心自
密玉環須認隔簾聲

午晤

越桃花發小闌偏香氣撩人易破眠八尺琅玕涼欲雨一層紕

縵薄於煙鬢因睡起偏尤好粧爲慵來洗更妍纔是折花苔徑
涇連環纖印玉階前

暮雨

聽盡蓮花漏轉遲黃昏偏又雨絲絲寒輕那禁重簾襲
應薄被知瘦影定憐秋水隔良緣空與碧雲期紅樓已恨如天
上更有天難望見時

二妙詞

楊柳陰通白石渠繞渠多種水芙蓉小姑家具紅牙管大婦妝
奩碧玉梳愛仿簪花傾逸少工題歡果號相如何富辟作雙清
子掌我詩筒替我書

曲闌

隔墻花氣隔墻風知是釵叢是露叢粧罷定應重顧盼語來先

認獨朦朧能教妬女甘居殿羞對癡郎驗守宮行過曲闌還竚
立水晶簾臂玉蓮蓬

桃源

桃源流水帶花香飛瀑通身度石梁仙掌忽開青齒齋神樓剛
曝翠衣裳難將隱影傳張碩誰許同來挈阮郎翻趁出山泉水
湣寄流清淚教君嘗

天生

天不輕生是美人每逢佳節始生辰香偏耐冷霜爲骨影只宜
秋月是神肌雪愈添脣上翠眼波微透意中春玉杯澆取雙紅
豆不化湘梅定楚筠

清齋

繡閣清齋薦露盤近來小恙愛吳酸甜香共熟名宜愛佳果親

投是合歡扇底簪花題拂暑尊前簪玉勸加餐要知憐惜恩深處只與王郎一例看

暑窗卽事

鏡鵲晨開象簾清乍梳粧後又釵橫風姿偏是慵時好儀節多緣熟極輕障扇自通簷欵曲簪花也露性聰明儘畱真色教人看一洗檀郎錯愛名

風日闌干曉露稀嫩炎輕襲碧羅衣螭蛛偏愛當窗掛蝴蝶猶貪繞扇飛含怨笑言終鬱鬱鍾情形迹莫依依無端慧舌酬清辨又道關心替解圍

無題和竹橋丈韻二十四章

洛神一賦誦廻環宛在盈盈一水間色爲兼才偏覺秀情何累德未妨閒魚鱗細摺同心勝鮫帕牢收別淚斑每到黃昏更淒

絕慢憑月色洗愁顏

羊脂玉白碾連環只繫囊膏一寸閒欲報手書嫌語瑣爲懸心事怕身閒鮮妍未透蛇醫迹娥媚翻留獺髓斑薄怒深愁看更好傾城原不在懼顏

象牙梳似月彎環鏡檻釵奩曲尺閒幽寢思量心暗喜低鬟商畧性多閒囊花那禁郎持綳袖碧寧嗔姊唾斑多和燕脂輕傳粉怕人看出病中顏

天半微聞響佩環紅墻銀漢在人間徒勞翠鳥殷勤探難伺烏龍一隙閒卓女調琴囊瑟瑟衛嬈拈管竹班班可憐枉負如花貌輸與桃花有笑顏

綠陰宛轉小廊環日暮佳人倚竹閒細步最憐幽草弱渺懷偏寄去雲閒花如傾國何關笑玉果連城不諱斑一種乾坤清氣

在秋顏須識勝春顏

晶簾不隔洞如環淺澹睂峯隱約間自讀郎詩書盡廢翻邀姊
繡綾都閒鏡奩圓浸蟾蜍影硯匣香生翡翠斑周昉描摹應未
到才人風格美人顏

絳闕宸妃字阿環雲駟小謫鳳城間神光離合隨方變仙癯淒
迷竟夕閒凝雪自穿衫縷瑩纖塵不上襪羅斑玉樓咫尺如天
遠何況樓中潤玉顏

麗質休猜燕與環穠纖脩短適中間小鬟戲學晨梳嬾中婦偷
窺午睡閒書角暗搔纖指暈墨痕微舔絳唇斑不知憶着何年
事半晌粧臺獨解顏

一年小癯事循環又值秋分白露間十洞三清皆阻碍六張五
角每空閒訴將幽怨鵲絃語替得悲啼鳳蠟斑鎮日畫圖中看

殺何如暫許對芳顏

妬眼如城繞一環
霹聲遙認桂堂間
燕來暫撒中門禁
花落潛行外院閒
身隔畫絲邀絮語
手提金縷怕苔斑
教人陡識平時意
暖在心頭冷在顏

訶梨新剪片雲環
人在爐熏鏡影閒
困倦未容雙鬢蹕
聰明肯放一心閒
歡情漸引眸無縫
羞暈微烘頰似斑
七分桃花三分雪
是郎詩句是儂顏

手解嬰年舊弄環
帶郎第五指中間
幽期誤約心非泯
啞謎旁猜語總閒
乍冷慢絨絀扇素
再來須驗繡衾斑
此情要比天長久
那在多貪識面顏

環痕約指指如環
預種芳緣隔世閒
論闊未甘魚媿賤
處圓何用雉媒閒
花開豔極偏無子
筍出尖多易有斑
只合化身明月

鏡笑顰都得照卿顏

柔腸蚤暮鹿盧環只在郎行左右間
誓密記曾邀月證情多恐
又夢花閒占晴可奈時時變
踏溼還防處處斑作計惱伊佯怒
去明朝相見看何顏

海榴花下脫金環小病剛剛一月間
食味本來當暑斷睡眸還
得徹宵閒頻驚石鼎松濤沸細展羅衾
藥瀋斑輪與衙推偏得
見捧心時節最真顏

紅闌干角綠蕉環竹色茶香閣半間
簾押迎風拋繡亂枕函送
日賴書閒長來指爪逾脂印濃得
眉痕透黛斑人自慣看儂轉
訝鏡中消瘦甚人顏

銜耳明璫小鳳環戲擒胡蝶出花間
紺珠豔事星星記碧玉芳
時日日閒曉霧迷成三疊
涼秋雲巧作五銖斑厭人絮問將雛

近贏得羞顏似醉顏

一曲明河列宿環
佩聲遙在碧雲間
生逢獨立人難得
除卻相思事總閒
仙字早憑心勒印
神光翻逼眼成斑
直須鑒念都消盡
纔許親承水月顏

欲把名花當屋環
只宜蘭畔與梅間
心思手口三般巧
坐起眠行一味閒
豔雪題成寧有對
香雲剪與並無斑
常娥尙自多情甚
偷下雕梁爲照顏

蛇報靈珠鵲報環
深情難報隱微間
香投異域嫌輕褻
絲繡平原只等閒
素約敢消烏鰲誓
丹誠空瀆杜鵑斑
酬恩自保千金體
搗藥拚爲悅已顏

玉扉清響小銅環
履迹衣聲眼耳間
預碾茶槍消吻渴
細聽蓮箭耐身閒
草蟲戲捉還謀對
花蟲親除更拭斑
頃刻歡愁千百

變作秋天氣似卿顏

左手除來右手環珠胎盈滿月輪間柳經眠後蠻書重果到垂
時蜨影閒喜搯茶膏津化液怕拈花樣汗生斑劉楨莫恨難平
視竚看嬌兒似母顏

梳子銀牆面面環依稀仿佛玉樓間通融恰許行相近分別仍
教坐各閒薤葉雙鉤新墨搗菱花七出古銅斑寢中歷歷分明
記難記偏生絕世顏

洞房簾箔水晶環偷看香籠繡篋間書卷縱橫風揭轉簾紋斜
整日拋閒乾藏鳳子芙蓉粉馴養狸奴玳瑁斑真箇到來翻不
見寢中情事意中顏

自題二十四詩後每句藏二十四意

吹簫橋畔月如環亞字闌干對照間寫遍烏絲三頁滿彈來雁

柱一條閒清波雙現金釵影和氣全飛玉瑄斑慢說荷花共生
日十年年減麗娟顏

豔體一章每句戲藏十六意

十二闌干花四環美人二八倚中間蛾睂那厭重新畫象戲剛
拋一半閒兩度界箋書銷字更番排卦戾香斑嬉遊二九還初
七生過嬌兒尙玉顏

閨人養疴辭

工愁善病女相如暫徙瑤齋檢道書一縷藥煙清似水雲屏隔
斷廣寒居

小庭花木費平章終日琴鳴古研旁卻下水晶簾一扇仙肌冰
雪自生涼

南窗置榻北窗寬一曲書廊鏡檻安那有紅塵飛得到綠芭蕉

映雪關干

雙扉閒鎖一階苔屈膝銅鋪畫不開只有常娥推不去夜深還
近小窗來

刺桐清影拂簾長鼎沸松風藥透香親把銀匙調一過同心甘
苦願分嘗

暫廢椒花格律新繞床書卷尙逡巡臥中聽得秦嘉詠一字推
敲又損神

竹床冰簟鎮相親吟瘦身看病瘦身聽說蓮塘遭雨打今年花
更瘦於人

疎雲先作一分秋添得窗櫺綠更幽幾點雨彈涼葉上紅心枯
草又新抽

隔年情事記分明雪碗冰盤夜話清昨日到門親聽得小鬟偷

學誦詩聲

粧樓畫靜塵聲無畫稿叢殘墨未枯等月再生人病起拜雙星
夜玉梯扶

小閣

簷際涼雲水樣浮果然小閣傍瓊樓竹陰滿榻清如掃花影移
簾漸上鈎守禮敢煩郎慰體倦粧還喚婢梳頭病餘偶揭閒書
卷本爲消愁卻惹愁

七夕再疊環字韻

水玉蘭釵火齊環隱然黃色透睂間十分月有三分過九孔針
無一孔閒心巧素嫺牛女慧指尖紅沁鳳仙斑不消始影重祈
禱越病深時越麗顏

新涼

小窗幽瘦昨宵涼
寶簾重移繡榻量樓閣
自開秋世界雲霄原
近月家鄉竹枝浪認釵鈿影
花氣猶含語笑香
六曲屏山移不去
是曾親照玉容光

玉恙新起

病餘眠食强支撐
秋暑宜逃味要清
侍女且教鋪象簾
厨嬾還忌進魚羹
極關情語惟珍重
不避嫌時更至誠
如此相思天亦許
兩邊心似玉壺明

晨晤

木樨香裏海棠陰
四面秋光照此心
情在不言方是契
睂如爲語轉非深
瓊瓏日影穿丹縠
鸞鷟爐烟裊翠襟
爲我强支晨倦坐
未須一刻已千金

長廊

別久相逢眼倍明疑驚疑喜態俱生蝶穿花去偏多得燕避風
來轉似迎非意事原同在意眞情人必近無情回身翻使全身
見索向長廊更一行

秋癰

並蒂芙蓉比翼鴻經秋瘦骨也相同簪花久謝雲鬟豔印簾時
看粉頰紅清淚定緣何事落深情翻托正辭通仲宣愁思相如
病早入芳心宛轉中

別院

別院秋花秀不濃蘼蕪新長逕蒙茸密香自奉青鸞使小玉閒
尋粉蝶蹤漸近衣聲猶綵繚折回釵影乍瓏鬆分明有意舉簾
出卻似驚成意外逢

箇人睡

小窗疎雨綠蕉彈低語聊貪傍曲欄我自道來嫌太絮卿偏聽
得勝如蘭煙籠乍覺鶯聲倦香細應知蜨寢安心欲避嫌情未
肯碧紗親爲障輕寒

當門

當門風日掩翠幃隱約神光在合離山近轉疑雲隔礙花多終
覺樹參差蘭堂忽度驚鴻遠桂楫偏依乳燕遲應笑慧根原不
慧簾波着眼枉多時

惱人

金粟香霏滿院多玉人生日近常娥照秋清影同明月卜夜深
情抵絳河定後驚魂消淺暈靜中微笑托橫波惱人不會卿憐
惜如此新涼尙薄羅

微波

如雲羅綺萬花前衆裏纖長獨逞妍佳近浮圖光似佛幼餐沈
水體俱仙梳勻信手人爭學調笑無心語可傳半晌眼波嬌不
溜待人臨別卻嫣然

豔緣

鬱金堂古麝蘭熏掩過銀屏露翠裊倉卒似驚生客語纏綿猶
與小鬟云花迎斜日翻舒蕊月過中天卻漏雲偏是徐行客細
認豔緣真悔阮郎分

遊仙辭

洞門翠莢暝生煙微叩瑤局謁上仙任誕偏逢方朔過勝常惟
許密香傳雲漿未識何花氣星漢空思在月邊暫緩碧桃三日
放可知人世似經年

神樓縹緲接瑤京八面紅窗對八瀛花頂佛光留髻影畫中仙

指落琴聲天空不許雲留迹潭淨偏容月印明此是消覓真境界最高情又最深情

重簾

洞房深晝卻寒垂朱鳥窗明未許窺着眼預防人見我關心早識影爲誰綠翹進茗纖纖手絳樹添香瑟瑟惟情到神仙情更好紫蘭親自護葳蕤

銀灣

翻喜疏櫺扇扇關黃姑親得渡銀灣沁人肌息如沈水煥我心腸似博山極慰離情惟握手偶思前事轉低顏欲將梳子連詩贈恩意還須託令嫺

深秋

玉蕊經秋輾轉深上池清水瀆羅衾莫緣知己真披膽可是吟

詩欲嘔心魚目邇堪通夜醒犀株枉自辟寒簪黃花慢想傾城
顧病過荷花直到今

紀舊癢

織袿一抹隈紅墻暗裏溫柔別有鄉浴室喜無通德侍壁衣偷
把彥回藏蓮房久禁閒蝴蝶桐樹新栖小鳳凰今日分明轉惆
悵雙峯如雪射窗光

露立

合既無緣竟別離可堪相見又時時風來水面非關約月上梢
頭未可期厚施恩情消薄福淺嘗滋味耐深思明知取冷難身
熨癡立空庭任露滋

今生

舊事思量歷歷明拂簷蝙蝠悄無聲忽驚月自懷中墮猶喜雲

從腰裏行離恨有天終古漏愛迷填海幾時盈多情隨處看花
好可奈今生是寡情

婉兒

樓上昭容是我師天教玉尺爲量詩直空四海才人望獨許千
秋幼婦詞青眼或來溫嶠目素心難定叔牙知感恩若仿平原
例先買紅羅繡婉兒

衛孌

綠梅花下有人居正恐梅花秀不如每恨王郎癡似叔獨憐鄒
忌美於徐盤周四角辭難畢漏盡三商寢竟虛欲表同心心迹
處右軍能亂衛孌書

爐灰復然

簾外西風掃翠苔已寒重煥玉爐灰草書結體聯無斷花勝同

心解不開纔欲見時先震蕩是曾立處定徘徊尾生自抱千秋
信莫管佳人果否來

同心曲

一寸窗光一寸金暫邀歡坐綠紗深戲攬甌茗脂香度偷掣簪
花粉本臨縱使旁撓無計遣但畱前約有時尋郎今莫問儂心
事儂與郎心是一心

步虛辭

三生辛苦搗元霜口嚼梅花齒盡香窈背幾時邀子晉蜺鳧無
路上高唐卷中還恐非仙影褰底空疑是佛光采采玉芝何處
好祗畱雲氣滿虛筐

驚疑

傾國何曾定有方情波照玉玉生光聰明眉黛先天秀宛轉香

絲委地長巧語猝投工應變笑容先見道勝常背人偷握春葱
好一種驚疑味乍嘗

密緒

兜羅縣手罷花拈親爲檀郎熨指尖背地暫將鳬藻護耳邊低
勸翠裘添轉參莊語教人聽徐斂明眸覺婢覘離席不妨端坐
好莫因匆遽召猜嫌

纔欲回身卻斂身鬱金堂上暫逡巡同心那在相逢數半面何
嘗不看真儘可端詳餘背影斷難描畫是丰神臨行尙有消覓
處未敢題詩浪示人

繡屨

繡屨纔圍縫合歡無心偶置畫闌干量來新月還形窄裏盡春
雲定覺寬可許玉尖親試着未妨香屑代裝安紅幫殘綫抱鍼

在低囑檀奴仔細看

幾度

幾度尋花花不開今朝花影下瑤臺天教生日同霜菊人喜臨風似玉梅隔院圖郎聞笑語當窗借婢共徘徊博山爐火情常煥值得衝寒犯雪來

水晶簾下卽事

通髮初撩待畫睂鏡臺偷傍立多時熏香乍喜眠嬌女傾水剛逢遣侍兒皓腕先攘客捉搦朱唇欲嚙費矜持幽情未了餘歡在畱作今宵翠被思

朝來

朝來座客向余誇親覩紅粧展碧紗秋水神疑如有待早梅光映雨無瑕關心偏在屏風近錯眼真成薄霧遮辜負臨卽深愛

意翻教人得見如花

獻果

檀郎何處得嘗新
翻作粧臺擲果人
入手已知仙味美
分甘先懼妹心嗔
笑君懷核寧無意
獻佛將花早有因
一幅定情羅帕在
輕紅雖退認猶真

問訊

斜門風逆送氤氳
簾卷金堂裊水紋
幾度空來應怨我
此時強坐半緣君
早拋眼媚紅窗裏
那惜脂香碧盃分
嬌語平安親問訊
芳姿傳出已先聞

熏爐

新寒跨火辟邪爐
藕覆雙鳧色色殊
蘭篆靜看烟似水
梅花親點筆爲圖
比肩可許充生婿
何妨借小姑推就
煥香熏一

過畱仙袞底按纖趺

臨去

來何緩緩去匆匆朱角門西小院東一剪晴波勞遠送兩番平
視竟通融神情意致都閑雅坐立行時不苟同那似小家羞澁
態見人先自下簾櫳

簪梅

蘭房曲折透幽香繡襖親擎小鳳凰笑靨乍看兒絕似廋詞相
謔婢無妨粧交二九梳頭懶裹襲雙重觸手忙袖籠玉梅三百
朵爲卿低插鬢雲傍

評花

桃花不及李花妍一笑欣逢縞袂仙同是無言芳獨擅從來絕
色秀爲先中天皓月人爭看委地春雲我最憐拈出退之詩句

好漁郎應悔武陵船

下樓

樓上斜陽樓下行
鸚哥消息透前楹
雲鬟偏覺家常好
花氣原從坐處生
瞥見玉光驚又喜
乍迴釵影避還迎
雙星但隔秋河照
眼自饒餽意自明

乳香

幽香一縷透羅襦
親乳桐花小鳳雛
密室喜無樊嬖侍
潛身悔與阮郎俱
良期每被心誤堅
坐還防妬口誣
卻憶獨來時節
好同羣又礙阮咸姑

雲駢

宛轉香車繞綠谿
一泓秋水徹玻璃
良緣對面誰能阻
好事無心比約齊
似惜蕭郎門外立
幾將小宋路傍提
箇人巧笑尋常

見不似今番易着迷

窄徑

邂逅重門窄徑偏
翔風衣鬢總嫣然
花從轉側看尤媚
雲爲夷猶態更妍
暝語兜來心坎裏
柔荳鉤去眼梢邊
何因卻把雙鬟遣
緩住弓鞵一細憐

芳筵

隔座芳蘭一點心
潛憑傳婢語知音
杯行喜聽斟時淺
燭換愁看坐夜深
力爲加餐須自努
飲當微醉莫教沉
擁爐默計君歸候
忍比君先到繡衾

密意

柳樣春濃絮樣顛
輕雪無迹過青天
人前第一須畱意
莫把雙眸注妾邊